

## **Nyanja - Kupulumutsidwa Malembo - Deliverance Scriptures**

**Numeri 10:35 Ndipo kunali pakucoka kumka nalo likasa, Mose anati, Ukani Yehova, abalalike adani anu; akuda Inu athawe pamaso panu.**

**Deuteronomo 23:5 Ndipo Yehova Mulungu wanu sanafuna kumvera Balamu; koma Yehova Mulungu wanu anakusandulizirani tembererolo likhale mdalitso, popeza Yehova Mulungu wanu anakukondani. (Nehemiya 13:2)**

**MaSalmo 44:4 Inu ndinu mfumu yanga, Mulungu: Lamulirani cipulumutso ca Yakobo.**

**Yesaya 61:1 Mzimu wa Ambuye Yehova uli pa ine; pakuti Yehova wandidzoza ine ndilalikire mau abwino kwa ofatsa; Iye wanditumiza ndikamange osweka mtima, ndikalalikire kwa am'nsinga mamasulidwe, ndi kwa omangidwakutsegulidwa kwa m'ndende; (Luka 4:18)**

**Mateyu 6:13 Ndipo musatitengere kokatiyesa, koma mutipulumutse kwa woipayo. (Luka 11:4)**

**Mateyu 8:16 Ndipo pakudza madzulo, anabwera nao kwa Iye anthu ambiri ogwidwa ndi mizimu yoipa; ndipo Iye anaturutsa mizimuyo ndi mau, naciritsa akudwala onse;**

**Mateyu 10:1 Ndipo pamene Iye anadziitanira ophunzira ace khumi ndi awiri, anapatsa iwo mphamu pa mizimu yoipa, yakuiturutsa, ndi yakuciza nthenda iri yonse ndi zofoka zonse. (Marko 3:14,15)**

**Mateyu 10:8 Ciritsani akudwala, ukitsani akufa, konzani akhate, turutsani ziwanda: munalandira kwaulere, patsani kwaulere.**

**Mateyu 12:26-29 ndipo ngati Satana amaturutsa Satana, iye agawanika pa yekha; ndipo udzakhala bwanji ufumu wace? 27Ndipo ngati Ine ndimaturutsa ziwanda ndi mphamu yace ya Beelzebule, ana anu amaziturutsa ndi mphamu ya yani? cifukwa cace iwo adzakhala oweruza anu. 28 Koma ngati Ine ndimaturutsa ziwanda ndi mphamu yace ya Mzimu wa Mulungu, pomwepo Ufumu wa Mulungu unafika pa inu. 29 Kapena akhoza bwanji munthu kulowa m'banja la munthu wolimba, ndi kufunkha akatundu ace, ngati iye sayamba kumanga munthu wolimbayo? ndipo pamenepo adzafunkha za m'banja lace. (Marko 3:23-27)**

**Mateyu 12:43-45 Koma mzimu wonyansa, utaturuka mwa munthu, umapitirira malo opanda madzi kufunafuna mpumulo, osaupeza. 44 Pomwepo unena, ndidzabwerera kunka kunyumba kwanga, konkuja ndinaturukako; ndipo pakufikako uiyeza yopanda wokhalamo,**

**yosesedwa ndi yokonzedwa. 45 Pomwepo upita, nutenga pamodzi ndi uwu mizimu yina inzace isanu ndi iwiri yoipa yoposa mwini yekhayo, ndipo ilowa, nikhalamo. Ndipo matsirizidwe ace a munthu uyo akhala oipa oposa mayambidwe ace. Kotero kudzakhalango kwa obadwa oipa amakono.**

**Mateyu 15:22,26,28 Ndipo onani, mkazi wa ku Kanani anaturuka m'malire, napfuula, nati, Mundicitire ine cifundo Ambuye, mwana wa Davide; mwana wanga wamkazi wagwidwa koopsa ndi ciwanda. 26 Ndipo Iye anayankha, nati, Sicabwino kutenga mkate wa ana, ndi kuuponyera tiagaru. 28 Pomwepo Yesu anayankha, nati kwa iye, Mkaziwe, cikhulupiro cako ndi cacikuru; cikhale kwa iwe monga momwe wafunira. Ndipo mwana wace anacira nthawi yomweyo.**

**Mateyu 16:19 Ndidzakupatsa mafungulo a Ufumu wa Kumwamba; ndipo cimene ukamanga pa dziko lapansi cidzakhala comangidwa Kumwamba: ndipo cimene ukacimasula pa dziko lapansi, cidzakhala comasulidwa Kumwamba. (Mateyu 18:18)**

**Mateyu 17:19-21 Pamenepe ophunzira anadza kwa Yesu, ali pa yekha, nati, Nanga ife sitinakhoza bwanji kuciturutsa? 20/21 Ndipo Iye ananena kwa iwo, Cifukwa cikhulupiro canu ncacing'ono: pakuti indetu ndinena kwa inu, Mukakhala naco cikhulupiro monga kambeu kampiru, mudzati ndi phiri ili, Senderapo umuke kuja; ndipo lidzasendera; ndipo palibe kanthu kadzakulakani kosacitika.**

**Marko 1:23-26 Ndipo pomwepo panali munthu m'sunagogue mwao ali ndi mzimu wonyansa; ndipo anapfuula iye 24 kuti, Tiri ndi ciani ife ndi Inu Yesu wa ku Nazarete? Kodi mwadza kudzationonga ife? Ndikudziwani, ndinu Woyerayo wa Mulungu. 25 Ndipo Yesu anaudzudzula, kuti, Khala uli cete, nuturuke mwa iye. 26 Ndipo mzimu wonyansa, pomng'amba, ndi kupfuula ndi mau akuru, unaturuka mwa iye.**

**Marko 1:32-34 Ndipo madzulo, litalowa dzuwa, anadza nao kwa Iye onse akudwala, ndi akugwidwa ndi ziwanda. 33 Ndipo mudzi wonse unasonkhana pakhomu. 34 Ndipo anaciritsa anthu ambiri akudwala nthenda za mitundu mitundu, naturutsa ziwanda zambiri; ndipo sanalola ziwandazo zilankhule, cifukwa zinamdziwa Iye.**

**Marko 1:39 Ndipo analowa m'masunagogue mwao m'Galileya monse, nalalikira, naturutsa ziwanda.**

**Marko 5:8 Pakuti ananena kwa iye, Turuka iwe, mzimu wonyansa, kwa munthuyu.**

**Marko 6:7,13 Ndipo anadziitanira khumi ndi awiriwo, nayamba kuwatumiza iwo awiri awiri; nawapatsa mphamvu pa mizimu yonyansa; 13 Ndipo**

**anaturutsa mizimu yoipa yambiri, nadzoza mafuta anthu ambiri  
akudwala, nawaciritsa.**

**Marko 9:23-25 Ndipo Yesu ananena naye, Ngati mukhoza! Zinthu zonse  
zitheka ndi iye wakukhulupirira. 24 Pomwepo atate wa mwana  
anapfuula, nanena, Ndikhulupirira; thandizani kusakhulupirira kwanga.  
25 Ndipo pamene Yesu anaona kuti khamu la anthu lirikuthamangira  
pamodzi, anadzudzula mizimu woipawo, nanena ndi uwo, Mzimu  
wosalankhula ndi wogontha iwe, Ine ndikulamula iwe, turuka mwa iye,  
ndipo usalowenso mwa iye.**

**Marko 9:29 Ndipo Iye anati kwa iwo, Mtundu uwu sukhoza kuturuka ndi  
kanthu kena konse, koma ndi kupemphera.**

**Marko 9:38,39 Yohane anati kwa Iye, Mphunzitsi, tinaona munthu  
alikuturutsa ziwanda m'dzina lanu; ndipo tinamletsa, cifukwa  
sanalikutsata ife. 39 Koma Yesu anati, Musamamletsa iye; pakuti palibe  
munthu adzacita camphamvu m'dzina langa, nadzakhoza msanga  
kundinenera Ine zoipa.**

**Marko 16:17 Ndipo zizindikilo izi zidzawatsata iwo akukhulupirira; m'dzina  
langa adzaturutsa ziwanda; adzalankhula ndi malankhulidwe atsopano;**

**Luka 4:34-36 Ha! tiri ndi ciani ndi Inu, Yesu wa ku N azarete? kodi munadza  
kutiononga ife? ndikudziwani Inu muli yani, ndinu Woyerwaace wa  
Mulungu. 35 Ndipo Yesu anamdzudzula iye, nanena, Tonthola, nuturuke  
mwa iye. Ndipo ciwandaco m'mene cinamgwetsa iye pakati, cinaturuka  
mwa iye cosampweteka konse. 36 Ndipo anthu onse anadabwa,  
nalankhulana wina ndi mnzace, nanena, Mau amenewa ali otani?  
cifukwa ndi ulamuliro ndi mphamvu angolamulira mizimu yonyansa,  
ndipo ingoturuka.**

**Luka 4:41 Ndi ziwanda zomwe zinaturuka mwa ambiri, ndi kupfuula, kuti,  
Inu ndinu Mwana wa Mulungu. Ndipo iye anazidzudzula, wosazilola  
kulankhula, cifukwa zinamdziwa kuti iye ndiye Kristu.**

**Luka 7:21 Nthawi yomweyo iye anaciritsa anthu ambiri nthenda zao, ndi  
zobvuta, ndi mizimu yoipa; napenyetsanso anthu akhungu ambiri.**

**Luka 8:29 Pakuti iye adalamula mizimu wonyansa uturuke mwa munthuyo.  
Pakuti nthawi zambiri unamgwira; ndipo anthu anammanga ndi maunyolo  
ndi matangadza kumsungira; ndipo anamwetula zomangirazo,  
nathawitsidwa ndi ciwandaco kumapululu.**

**Luka 9:40 Ndipo ndinapempha ophunzira anu kuti auturutse; koma sanathe.**

**Luka 10:17-20 Ndipo makumi asanu ndi awiri aja anabwera mokondwera,  
nanena, Ambuye, zingakhale ziwanda zinatigonjera ife m'dzina lanu. 18  
Ndipo anati kwa iwo, Ndinaona Satana alinkugwa ngati mphezi**

**wocokera kumwamba. 19 Taonani, ndakupatsani ulamuliro wakuponda pa njoka ndi zinkhanira, ndi pa mphamvu iri yonse ya mdaniyo; ndipo kulibe kanthu kadzakuipsani konse. 20 Koma musakondwera nako kuti mizimu idakugonjerani, koma kondwerani kuti maina anu alembedwa m'Mwamba.**

**Luka 11:14 Ndipo analikuturutsa ciwanda cosalankhula. Ndipo kunali, citaturuka ciwanda, wosalankhulayo analankhula; ndipo makamu a anthu anazizwa.**

**Luka 11:20-22 Koma ngati Ine nditurutsa ziwanda ndi cala ca Mulungu, pamene po Ufumu wa Mulungu wafikira inu. 21 Pamene pali ponse mwini mphamvu alonda pabwalo pace zinthu zace ziri mumtendere; 22 koma pamene pali ponse amdzera wakumposa mphamvu, nakamlaka, amcotsera zida zace zonse zimene anazitama, nagawa zofunkha zace.**

**Luka 13:32 Ndipo iye anati kwa iwo, Pitani kauzeni nkhandweyo, Taonani, nditurutsa ziwanda, nditsiriza maciritso lero ndi mawa, ndipo mkuca nditsirizidwa.**

**Yohane 14:12 Indetu, indetu, ndinena kwa inu, Wokhulupirira Ine, nchito zimene ndicita Ine adzazicitanso iyeyu; ndipo adzacita zoposa izi; cifukwa ndipita Ine kwa Atate.**

**Yohane 17:15 Sindipempha kuti muwacotse iwo m'dziko lapansi, koma kuti muwasunge iwo kuletsa woipayo.**

**Macitidwe 10:38 za Yesu wa ku Nazarete, kuti Mulungu anamdzosa iye ndi Mzimu Woyeria ndi mphamvu; amene anapitapita nacita zabwino, nacirtsia onse osautsidwa ndi mdierekezi, pakuti Mulungu anali pamodzi ndi iye.**

**Macitidwe 16:17,18 Ameneyo anatsata Paulo ndi ite, napfuula, kuti, Anthu awa ndi akapolo a Mulungu wa Kumwambamwamba amene akulalikirani inu njira ya cipulumutso. 18 Ndipo anacita cotero masiku ambiri. Koma Paulo anabvutika mtima ndithu, naceuka, nati kwa mzimuwo, Ndikulamulira iwe m'dzina la Yesu Kristu, turuka mwa iye. Ndipo unaturuka nthawi yomweyo.**

**Macitidwe 19:11,12 Ndipo Mulungu anacita zamphamvu za pa zokha ndi manja a Paulo; 12 kotero kuti anamuka nazo kwa odwala nsaru zopukutira ndi za panchito, zocokera pathupi pace, ndipo nthenda zinawacokera, ndi mizimu yoipa inaturuka.**

**Macitidwe 26:15-18 Ndipo ndinati, Ndinu yani Mbuye? Ndipo Ambuye anati, Ine ndine Yesu amene iwe umlondalonda. 16 Komatu uka, imirira pa mapazi ako; pakuti cifukwa ca ici ndinaonekera kwa iwe, kukuika iwe ukhale mtumiki ndi mboni ya izi wandionamo Ine, ndiponso ya izi**

**ndidzakuonekeramo we; 17 ndi kukulanditsa kwa anthu, ndi kwa amitundu, amene Ine ndikutuma kwa iwo, 18 kukawatsegulira maso ao, kuti atembenuke kucokera kumdima, kulinga kukuunika, ndi kucokera ulamuliro wa Satana kulinga kwa Mulungu, kuti alandire iwo cikhululukiro ca macimo, ndi colowa mwa iwo akuyeretsedwa ndi cikhulupiriro ca mwa Ine.**

**ARoma 16:20 Ndipo Mulungu wa mtendere adzaphwanva: Satana pansi pa mapazi anu tsopano lino. Cisomo ca Ambuye wathu Yesu Kristu cikhale ndi inu nonse.**

**2 AKorinto 2:11 kuti asaticenierere Satana; pakuti sitikhala osadziwa macenjerero ace.**

**AGalatiya 1:4 amene anadziperekha yekha cifukwa ca macimo athu, kuti akatilanditse ife m'nyengo ya pansi pano yino yoipa, monga mwa cifuniro ca Mulungu ndi Atate wathu;**

**AEfeso 4:27 ndiponso musampatse malo mdierekezi.**

**AEfeso 6:11 Tabvalani zida zonse za Mulungu, kuti mudzakhoze kucirimika pokana macenjerero a mdierekezi.**

**2 ATesalonika 3:2,3 ndi kuti tilanditsidwe m'manja a anthu osayenerandi oipa; pakuti si onse ali naco cikhulupiriro. 3 Koma Ambuye ali wokhulupirika amene adzakukhazikitsani inu, nadzakudikirirani kuletsa woipayo;**

**2 Timothy 2:26 ndipo akadzipulumutse ku msampha wa mdierekezi, m'mene anagwidwa naye, ku cifuniro cace.**

**2 Timoteo 4:18 Ambuye adzandilanditsa ku nchito yonse yoipa, nadzandipulumutsa ine kulowa Ufumu wace wa Kumwamba; kwa iye ukhale ulemerero ku nthawi za nthawi. Amen.**

**1 Petro 5:8 Khalani odzisungira, dikirani; mdani wanu mdierekezi, monga mkango wobuma, ayendayenda ndi kufunafuna wina akamlikwire:**

**1 Yohane 4:4 Inu ndinu ocokera mwa Mulungu, tiana, ndipo munailaka; pakuti iye wakukhah mwa inu aposa iye wakukhala m'dzi ko lapansi. Iwo ndiwo ocoken m'dziko lapansi;**